

DEN AMBIENTE....

Fotos y Texto: Jan Poets

Awenochi den Compleho Deportivo Guillermo Prospero Trinidad... **BAN APOYA NOS SELECCION DI FUTBOL PA ORO...**


**** Awenochi Compleho Deportivo Guillermo Prospero Trinidad lo bay bisti di gala cu un espectacular clausura di Weganan di Reino. E speranza ta grandi cu e clausura aki lo bay ta den un grandioso celebracion Arubano, na momento cu nos seleccion di futbol logra gana Antillas pa asina conquista e medaya di ORO. Diaranzon ultimo nos joven seleccion di futbol a demostra un clase di futbol riba nivel hopi halto, derotando Antillas cu e score di 3-0. Na momento cu nos seleccion a gana Antillas, por a nota un alegria di e sentimento Arubano total den stadion. Tur cos ta mustra cu awenochi ARUBA lo bay saborea e triunfo pa ORO, pues como un bon Arubano, wak pa bo tey pa asina nos tur celebra e gran triunfo di nos seleccion joven di futbol y alavez clausura weganan di Reino den un BROCHE DI ORO..**



**** Su excelencia Minister di Deporte, Ramon Lee, despues di e triunfo riba Antillas, a subi riba tereno pa felicita e hungadornan....**



**** E entrenador Argentino Muñoz den entrevista cu Dochi Lee y Ipi Kock durante transmision di Top 95fm..**



**** Despues di a gana Antillas 3-0, e alegria y satisfaccion tabata grandi y ta di spera cu awenochi nos jovennan lo bay pone ARUBA conquista ORO.....**



**** BUCHI..BUCHI..BUCHI...NOS A GANA E WEGA PA BO!!!!..tabata e gritonan di alegria cu e hungadornan tabata expresa via celular na nan Tata di futbol, e incansable Buchi Wever di LIFIDIA, kende pa motibo di salud no por tabata presente den stadion. Inmediatamente despues di wega, Buchi Wever a comunica cu e hungadornan via celular y e fotonan aki mes ta demostra cuanto respet, cariño y amor y mas aprecio e joven hungadornan di nos seleccion tin pa nan Tata di futbol, BUCHI WEVER. Un pronto recuperacion na Buchi Wever y ta di spera cu e wega gana aki lo tabata e vitamina di curansa pa Buchi y pa asina awenochi Buchi "Panama" Wever lo disfruta di mira su sueño realiza den un triunfo di ORO..**

